



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1562 usque ad annum 1563

**Fleury, Claude**

**August. Vind. [u.a.], 1771**

**VD18 9011860X**

§. 76. Insulanus Gallorum postulata ad Papæ alloquim admissus.

---

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

"ad illorum executionem urgeri, toto Sæcul. XVI.  
 "studio adlaboraturus sim, quamvis hi A.C. 1562.  
 "exinde ingens damnum patiantur:  
 "quinimo adhuc majora aggrederer, nisi  
 "certus essem, quod imminutis Sedis  
 "Apostolicæ reatibus Ecclesiæ hostes  
 "audaciores fierent, atque Ecclesia eo-  
 "rum insultibus magis adhuc exponere-  
 "tur, non sine ingenti damno omnium  
 "Catholicorum, qui Pontificio præsi-  
 "dio commissi sunt: in aliis vero ditio-  
 "nibus, quæ profano Ecclesiæ imperio  
 "non sunt subditi, ipsimet Reges, ac  
 "Principes in sua quisque ditione Ec-  
 "clesiæ disciplinam evertunt, cum ipsi-  
 "met tot dispensationes, ac insolitas be-  
 "neficiorum collationes cum tanta im-  
 "portunitate, ac precum vehementia  
 "extorqueant, ut eas denegare haud  
 "amplius mihi liberum sit.,

## §. LXXVI.

*Insulanus circa Gallorum postulata ad  
 Papæ alloquium admissus.*

Idem Orator in alia epistola die duo- Mem. p. 301.  
 decima Octobris ad Reginam Matrem  
 data referebat, quod pridie ad allo-  
 quium admissus de rebus Synodum  
 concernentibus cum Papa contulisset,  
 hic autem eidem significasset, circa  
 Gallorum Præsulorum adventum Triden-  
 tini nil disponi: cum ex Franciæ aula

Bb 3

nun-



Sæcul. XVI

A. C. 1562

nuntiatum fuisset, quod Lotharingus Cardinalis suum discessum usque ad Biturgium expugnationem differret, ac postea Regem in Aurelianensi expeditione comitari vellet, proin vero fatum simile foret, quod vel ad Synodum nullatenus, vel saltem non nisi nimis sero venturus esset: nihilominus quamprimum de ejus discessu certior fieret Pontifex, is de omnibus necessariis se prospecturum pollicebatur, ut hic Cardinalis honoribus suæ dignitati, generisque nobilitati congruis Tridenti exciperetur: „postea, perscribebat Orator, „Papa subridens addidit, Cardinalis Lotharingus est alter Papa; nam ex suis „beneficiis trecenta aureorum millia „annis redditibus percipit, proin ipse „abs dubio eximio cum Zelo in Synodo „adversus illos declamabit, qui plura „possident beneficia: quippe id cum „majori decentia facere poterit, quam „Pontifex, qui præter Pontificatum „nil habet, hoc solo autem contentus „est. „ Demum Pontifex ad Burdalerium Cardinalem, qui huic colloquio præsens aderat, sermone converso hæc ad eum dixit: „Ecce, frater mi, ad „quam conditionem redactus sim: si „forte Synodus quoddam minoris momenti negotium ad me remittit, Franciæ Oratores ibidem præsentis mox que-



Sæcul. XVI.

A.C. 1562.

„queruntur, dicuntque, quod Synodus non sit libera, nihilominus me identidem sollicitant, ut præcipiam, quatenus Concilii libertatem in rebus, quæ tamen unice illud respiciunt, restringam., Ad hæc Insulanus a se Pontifici fuisse responsum narrabat, quod a quibusdam Tridentinis Præsulibus ejusmodi querelas fuisse sparsas minime ignoraret, nunquam tamen intellexisset, quod Regis Domini sui Oratores talia sensissent, cum tamen certo desuper fuisset admonitus, ut ea Sanctitati suæ exponeret. Enimvero nec Regis voluntas, nec suorum Ministrorum mandata eo abibant, ut Sanctitas sua Synodo quicquam injungere cogeretur, nisi quando nimia Patrum severitas pertimesceretur, ut tum illos ad moderationem, atque ad nonnihil remittendum induceret, prout in nupero accidisset negotio, ubi Sessionis prorogatio fuit eo sine petita, ut uberius de reformatione agi, atque amplius Franciæ Prælati Tridentum veniendi spatium indulgeretur.

Ad hæc reposuit Pontifex: „rationes, quas Galli ad petendam prorogationem adduxerant, minime sinceres, ex animo profectæ videntur: nihilominus spondeo, me illarum rationem habiturum, quamprimum eos ad Synodum

B b 4

nodum



Sæc. XVI  
A. C. 1562

„nodum venturos rescivero: reforma-  
 „tioni autem prospexi, quotiescunque  
 „specialia fuere postulata, idemque  
 „adhucdum facere constitui, prout in  
 „nuperis meis literis significavi: si vero  
 „Galli Synodum duntaxat eo ex fine  
 „protrahi petunt, ut majores adhuc  
 „expensas diutius facere compellar,  
 „certi sint, me haud amplius Regiis  
 „copiis ad bellum pecuniarum subsidia  
 „transmissurum.„ Postrema hæc ver-  
 ba Pontifex commoto nonnihil animo  
 proferebat, Oratorem redarguens, quod  
 prius ad ipsum, quam ad Concilium,  
 cum tamen Patribus legem imponere  
 non posset, sese converterit, acrius vero  
 eidem exprobat, quod jam per ses-  
 qui annum Franciæ Præsules Tridenti  
 expectarentur, & toto hoc temporis  
 spatio iidem semper frivolis exculatio-  
 nibus Papam decipere ausi fuerint, ja-  
 ctata vana spe ad Synodum alliciendi  
 Protestantes, ac præcipue Angliæ Re-  
 ginam, propter quam Carolus IX. nul-  
 lum non movit lapidem, ut Patres in-  
 duceret, quatenus hanc Reginam præ-  
 stolarentur: ut autem Pontifex mani-  
 festum redderet, quod illa non modo  
 Gallos decepisset, sed etiam, quod ejus  
 potentia non minus Regi Christianissimo,  
 quam Sedi Apostolicæ esset pertime-  
 scenda, hinc Papa hæc subjunxit: „Nor-  
 maniam



Sæcul. XVI.  
A.C. 1562.

„maniam propugnaculis firmate, &  
„tunc videbitis, an Regina Angliæ sit  
„vobis adeo propensa, prout tamen  
„creditis., Hæc cum Papa loqueretur,  
eum interruptit Insulanus, dicens: „prior  
„Sanctitatis vestræ Legatus in Francia  
„Regem meum vestro nomine rogabat,  
„ut hanc Reginam eo induceret, qua-  
„tenus ad Synodum suos ablegaret, se-  
„que ei submitteret, imo ipsamet San-  
„ctitas vestra in quodam colloquio ad  
„Sancti Gildasii Abbatem dixit, gra-  
„tum sibi accidere, quod Rex huic ne-  
„gotio sese ingereret, atque hanc Re-  
„ginam ad saniora persuadere niteretur.,

Hoc responso nonnihil placatus Pon-  
tifex Oratori hæc exposuit: „nec An-  
„gli, nec Protestantes unquam in Sy-  
„nodo comparebunt; se enim ibi con-  
„damnatum iri, ac juris Divini decreta  
„nec mutari, nec corrigi posse haud  
„ignorant; unde de illis nonnisi sobrie  
„in Synodo disputandum censeo, unice-  
„que id fiat, ut ea, quæ Ecclesia Ro-  
„mana constanti fide hucusque tenuit,  
„colligantur, & confirmentur, cum au-  
„tem Synodus alibi jam declararit, quod  
„circa articulos jus positivum concer-  
„nentes totam rem nostræ dispositioni  
„relinquat, hinc te hortor, ut hac in  
„re ad Concilium recurras, omnibus  
„tamen, quantum ratio, & Religio per-

B b 5

mittit,



Sæcul. XVI. „mittit, Principum precibus me satis  
A.C. 1562. „facturum polliceor., Ceterum ad hu-  
 jus colloqui finem Papa familiari ser-  
 mone Infulano narrabat, sibi nuntia-  
 tum esse, quod Valentienſis Episco-  
 pus a Calvinistis Lugduni morantibus  
 fuerit captus, Castillionæus autem Car-  
 dinalis indies magis, magisque a veræ  
 Religionis semita, ac status Ecclesia-  
 stici munere deviet, denique subjunxit,  
 consultissimum fore, si Aurelianensis  
 Episcopus Regis Christianissimi legatio-  
 ne in Synodo fungeretur, ut de loci  
 prærogativa forte emersura evitarentur  
 dissidia, eoquod Lunæ Comes non modo  
 tanquam Hispaniæ Regis, sed & Cæ-  
 saris Orator ad Synodum esset ventu-  
 rus, quamvis haud certo adhuc de ejus  
 adventu constet, cum alia ex parte nun-  
 tiatum esset, quod idem Comes Bohe-  
 miæ Regis Filias in Hispaniam con-  
 ducturus foret.

## §. LXXVII.

*Papæ consilium de restringendis Sy-  
 nodi decretis.*

*Pallav. l. 18.* Interea Tridentinorum Patrum sollici-  
*c. 11. n. 11.* tudo examinandis quæstionibus circa  
 Sacramentum Ordinis intenta erat, ac  
 die abhinc decima octava Mensis Se-  
 ptembris articuli postmodum discutiendi  
 inter Theologos fuere distributi: cum  
 vero